



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Metropolis Salisbvr gensis

Continens Fvndationes Et Erectiones Monasteriorvm, Et Ecclesiarum  
Collegiatarum, &c. per Boiarum, ac loca quædam vicina

**Hund, Wiguleus**

**Monachii, 1620**

Additiones.

**urn:nbn:de:hbz:466:1-13578**

SEPVLT I sunt in hoc Monasterio Nobiles, nunc Barones Imperij facti, de Mächselrain castro vicino, & nobiles de Haslang.

## A D D I T I O N E S.

Ex h. M. S.  
Monasterij

Cvm omnis actio mundanorum, quamvis solenniter celebrata, temporum curriculo elabante cadere soleat, nisi quodam quasi fulcimeto, scripturarū adminiculo perennetur: vniuersis huius pagine inspectoribus, tam modernis, quam successoribus volumus publicari de originali fundatione nostri presentis monasterij: quam venerabilis Dominus *Vdalricus*, tunc temporis Præpositus reperit *Ratissponæ* in Monasterio *S. Emerani* literaliter in quodam libro, per reuelationem Abbatis eiusdem Monasterij. Tamen sine annali numero incarnationis Domini nostri Iesu Christi, in tali tenore qui hic sequitur.

Quædam vidua genere nobilis, morumq; nobilior elegantissima virtutum, nomine *Iutta*, habitans in villa *Hertingen*, ad exemplum Iacobi Patriarchæ lapidibus in titulum erectis, in proprio fundo, propè villam *Hartingen* fundauit & construxit claustrum Sanctimonialium, in honore *S. Iohannis Baptistæ*, deuotè Deo ibidem seruientium, quod sic permansit per aliquos annos. quæ fundatio postea pænituit fundatricem, quia per moniales non in tantum ampliaretur cultus diuinus, sicut per presbyteros, misit ergo ad Apostolicum, quo annuente mutauit habitum, & moniales transferendo in *Altenhohenau*, in *Beyhartingen* locauit de Regula *S. Augustini* Canonicos. Quos secundum posse suum cum prædiis & dote pie ditauit. Quæ etiam post Obitum suum in eodem Monasterio feliciter requiescit. Quæ reliquit septem filias, de quibus septem generationes Ministerialium sunt exortæ. Et prædictum claustrum postea per *Rudolphum* & *Ludouicum* Duces *Batariæ*, qui Ludouicus postea Romanus Imperator per Priuilegia sua multis libertatibus gratanter & benignè, ut patet in eorum Priuilegiis est donatum, quod per successores, & eorum hæredes, & quam maximè per Stephanum, filium Ducis *Stephani*, Ducem, est confirmatum. Scripta sunt hæc in nostro Monasterio, Anno incarnationis Domini MCCCCXLIV.

## CATALOGVS PRÆPOSITORVM MONASTERIJ BEYHARTING.

HERTWICVS *Purckrainer.*  
FRIDERICVS *Spilvverger.*  
GOTFRIDVS *Prandt.*  
GOTSCALCVS *Reblinger.*  
CONRADVS.  
OTTIO *Pientzenauer.*  
RVDBERTVS.  
CHVNRAVS *Peruvanger.*  
PETRVS *Kriechpamer.*  
VDALRICVS *Khiernhamer.*  
CONRADVS *Prandtsetter.*  
AMBROSIVS *Treittvvein.*  
IOHANNES *Schach.*  
VDALRICVS *Haslinger.*  
IOANNES *Saaldorffer.*

HENRI.



HENRICVS *Preßlauver.*  
 NICOLAUS *Kneittinger.*  
 VDALRICVS *Eysenhoferer.*  
 GEORGIUS *Aprecher.*  
 PANTALEON *Hausner.*  
 LVCAS *Wagner.*  
 PETRVS *Spächter.*  
 GWOLFGANGVS *Lyndtmayr.*  
 CONRADVS *Hirschauer.*  
 BARTHOLOMÆVS *modernus Præpositus.*

BEVRBERG MONASTERIUM CANO.  
 REGVL. SANCTI AVGVSTINI.

ALIAS vulgò Peilberg, ad Loyfam Monasterium ædificatum est per Attonem, Eberhardum & Conradum de Irinspurg, fratres. At secundum Auent. fol. 552. per Eberhardum & fratrem suum Albertum, qui Imperatori Henrico quarto plurimum acceptus fuit, vnà cum coniuge Alberti Bertha, & filio Ottonem, pro Monachis Augustinianis dicatum, circa Annum 1100. Confirmatio autem Calixti secundi Pontificis scripta ad Ottonem fundatorem, quem vocat Nobilem & Illustrem Ottonem de castro Yringi, ipsius tantum mentionem facit, quòd ipse prædium suum in Peilberg dederit, vt ibi in honorem S. Petri & Pauli pro Regularibus fratribus Ecclesia construeretur, dans Monachis facultatem, quem velint Aduocatam liberè eligendi. Datum Laterani, Anno 1121.

SEPULTI sunt in hoc Monasterio duo ex fratribus fundatoribus in abside meridionali, tertius in Monasterio Wiltha Ordin. Præmonstratens. in Tyrolensi Comitatu. Item hic sepulti sunt, Weiknandus Miles junior de Erinpurg, Nobiles de Thor, Successores in castro Erinpurg, cum vxoribus. Item Althamer, cum vxoribus & filiabus, haber anniuersaria decem, & decem Altaria, ac vt monumenta ibi habent, bis incendio periit.

ADDITIONES.

CALIXTUS Episcopus seruus seruorum Dei. Nobili & Illustri viro, Ottoni de Castro Iringi, salutem & Apostolicam benedictionem. Deuotionem tuam spectauimus, quia prædium tuum *Puribergk* vbi Ecclesiam in honorem Apostolorum Petri & Pauli ædificare desideras, in qua videlicet regulares Fratres in omnipotentis Dei seruitio communitè conuersentur, B. Petro eiusq; Romanæ Ecclesiæ obtulisti. Eandem itaq; oblationem nos ad honorem Dei & salutem animæ tuæ suscipientes, locum ipsum B. Petri patrocinio communimus. Statuimus enim vt nullus eum occupare, nullus ibi assultus facere vel molestias ausu temerario audeat irrogare. Sed omnia quæ vel à te iam collata sunt, vel in futurum de suo iure à quibusque fidelibus conferentur, quieta & integra, sub Apostolicæ sedis munimine conferuentur. Ita tamen vt exinde pro censu singulis quatrienarijs alba cum amiciis suis Lateranensi Basilicæ B. Laurentij persoluatur. Statuimus etiam vt deinceps neque tibi neque alicui hæredum tuorum facultas sit se in prædicti loci aduocatiam ingerere, sed iuxta fratrum electionem & liberam voluntatem aduocatus ibi per Dei gratiam statuatur, id ipsum & de Prælato loci decernimus obseruandum. Si quis autem huic nostræ constitutioni temere, quod absit, contraire tentauerit, honoris & officij sui periculum patiat, aut excommunicationis ultione plectatur, nisi præsumptionem suam digna satisfactione correxerit. Qui verò locum ipsum, & Fratres in eo Domino seruientes ju-